

Dr M. akan ke Korea Selatan Jun untuk erat hubungan

KUALA LUMPUR, Jumaat — Timbalan Perdana Menteri, Datuk Seri Dr. Mahathir Mohamad akan melawat secara rasmi ke Korea Selatan Jun ini untuk mengeratkan hubungan ekonomi kedua negara.

Demikian diumumkan oleh Menteri Perdagangan dan Perindustrian Korea Selatan, Encik Chung Jal Suk hari ini kepada para pemberita di Lapanganterbang Antarabangsa Kuala Lumpur di Subang setelah mengadakan lawatan empat hari di sini.

Belliau menerangkan, Datuk Seri Dr. Mahathir yang juga Menteri Perdagangan dan Perindustrian menyatakan persetujuan tersebut ketika belliau mengunjunginya Selasa lalu.

Encik Chung menegaskan, di samping itu Malaysia dan Korea juga bersetuju menubuhkan Jawatankuasa Kerjasama Ekonomi Dua Hala Swasta bagi merapatkan hubungan ekonomi.

"Jawatankuasa itu akan membincangkan aspek-aspek perdagangan dan pelaburan di antara kedua buah negara," katanya.

Belliau menjelaskan, memandangkan peningkatan dagangan yang menggalakkan sekarang, dia menjangka perdagangan dua hala antara Malaysia dan Korea akan meningkat sehingga \$700 juta pada tahun ini," katanya.

Padan tahun lalu, jumlah perdagangan kedua negara ialah A\$470 juta di mana Malaysia mengeksport sebanyak A\$383 juta.

Encik Chung menerangkan, Korea Selatan berhasrat meluaskan bidang pelaburan secara usahasama dengan Malaysia dalam bidang memproses meleburkan almunium, simen, membuat kasut dan besi.

Katanya, Korea berhasrat menjalankan usahasama dalam bidang besiwaja di Sabah dan simen di Perak. Modal kilang simen di Perak kira-kira \$170 juta.

Belliau juga menjelaskan, Menteri Perusahaan Utama, Datuk Paul Leong bersetuju menimbangkan permintaan Korea supaya Biro Getah Malaysia ditubuhkan di Seoul bagi memudahkan dagangan secara langsung.

Pada tahun lalu Korea mengimport lebih dari A\$115 juta getah asli dari Malaysia dan merupakan negara ketujuh banyak mengimport.

Datuk Paul Leong akan mengadakan lawatan ke Korea pada bulan Mei depan untuk mengetual rombongan teknikal.

Bahan asal dari Arkib

Negara Malaysia